



## Jadual Pembacaan Khutbah Jumaat

Siri 9/ 2023 (September Tahun 2023)

Tarikh	Tajuk	Bil.
1 September 2023M/ 15 Safar 1445H	Islam Agama Kasih Sayang	1.
8 September 2023M/ 22 Safar 1445H	Beradab Dengan Kematian	2.
15 September 2023M/ 29 Safar 1445H	Serumpun Bak Serai, Sesusun Bak Sireh	3.
22 September 2023M/ 6 Rabi'ul Awwal 1445H	Generasi Berilmu Tonggak Kecemerlangan Ummah	4.
29 September 2023M/ 13 Rabi'ul Awwal 1445H	Rasulullah Suri Teladan Sepanjang Zaman (Khutbah Sempena Sambutan Maulidur Rasul 1445H)	5.
<b>Khutbah Kedua</b>		

دببایاء:



زكاة فولو فینغ

دتریبیتکن:



جابتن حال احوال اکام اسلام فولو فینغ



---

## ***Jawatankuasa Panel Semakan Teks Khutbah Negeri Pulau Pinang***

---

- 1. SS Dato' Seri Dr. Haji Wan Salim bin Wan Mohd Noor  
(Pengerusi)**  
Mufti Kerajaan Negeri Pulau Pinang
- 2. Y.Bhg Dato' Rosli bin Othman**  
Ahli Jawatankuasa Fatwa Negeri Pulau Pinang
- 3. Prof. Madya Dr. Atikullah bin Abdullah**  
Pensyarah, Pusat Pengajian Ilmu Kemanusiaan,  
Universiti Sains Malaysia
- 4. Ustaz Ahmad bin Hashim**  
Ketua Pusat Pengajian Tahfiz Al-Quran,  
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**  
Mantan Penyelaras Program Intervensi Kaunseling,  
Universiti Sains Malaysia
- 6. Ustaz Mohd Salmi bin Shaimi**  
Ahli Jawatankuasa Fatwa Negeri Pulau Pinang
- 7. Ustaz Subki bin Mohamed**  
Mantan Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab  
(Setiausaha)**  
Ketua Penolong Pengarah, Bahagian Dakwah  
Jabatan Hal Ehwal Agama Islam Pulau Pinang (JHEAIPP)





# Serumpun Bak Serai Sesusun Bak Sirih

14 September 2023M/ 28 Safar 1445H

الْحَمْدُ لِلَّهِ الَّذِي أَنْقَدَنَا مِنْ أَنْيَابِ الْإِحْتِلَالِ وَوَيْلَاتِ الْإِسْتِعْمَارِ وَجَعَلَنَا أُمَّةً مُتَقَدِّمَةً  
مُكْرَمَةً فِي صُفُوفِ الْأَحْرَارِ.  
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ الْمَلِكُ الْقَهَّارُ، وَأَشْهَدُ أَنَّ مُحَمَّدًا عَبْدُهُ  
وَرَسُولُهُ النَّبِيُّ الْمُخْتَارُ.  
اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ الْمُصْطَفَى الْأَنْوَرِ وَعَلَى آلِهِ الْأَطْهَارِ وَأَصْحَابِهِ  
الْأَخْيَارِ، مَا تَوَاتَرَتْ الْأَنْبَاءُ وَتَنَاقَلَتِ الْأَخْبَارُ.  
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ حَقَّ تَقَاتِهِ تَفُوزُوا بِجَنَّتِهِ فِي دَارِ الْقَرَارِ مَعَ  
الْمُقَرَّبِينَ الْأَبْرَارِ.

## SIDANG JEMAAH YANG DIRAHMATI ALLAH,

Marilah kita bertakwa kepada Allah *سُبْحَانَهُ وَتَعَالَى* dengan penuh rasa takut dan berharap hanya pada-Nya. Berusahalah sedaya upaya untuk melakukan ketaatan dan menghindarkan diri dari terjebak ke dalam perkara-perkara maksiat dan dosa. Mudah-mudahan kita semua akan selamat di bawah naungan dan kasih sayang Allah di dunia dan di akhirat.



Ayuh kita tumpukan perhatian kepada khutbah yang akan disampaikan. Cukup- cukuplah kita dengan perbuatan-perbuatan yang boleh merosakkan ganjaran pahala Jumaat kita. Usah bercakap-cakap, simpanlah telefon bimbit untuk seketika. Teruslah mengimarahkan masjid, melaksanakan amar makruf dan nahi mungkar, memelihara hubungan silaturrahim serta bertaubat dan bermunajat kepada Allah dalam menempuh dunia yang penuh mencabar. Semoga khutbah yang disampaikan dapat diambil panduan dan pesanan. Bertepatan dengan Hari Malaysia pada 16 September ini, khatib akan membicarakan khutbah bertajuk “**Serumpun Bak Serai, Sesusun Bak Sireh.**”

#### **SIDANG JEMAAH YANG DIRAHMATI ALLAH,**

Kepelbagaian masyarakat yang ada di Malaysia khususnya di negeri Pulau Pinang ini, merupakan satu anugerah dan sunnatullah yang menunjukkan kebijaksanaan Allah *سُبْحَانَهُ وَتَعَالَى*. Dalam kepelbagaian latar belakang masyarakat ini pastinya wujud perbezaan dari segi agama, bangsa, pandangan, ideologi dan sebagainya. Namun ia bukanlah sesuatu yang menghalang kita untuk terus hidup harmoni dan saling menghormati seperti sebuah keluarga.

Prinsip asas rukun negara telah menghubungkanjalinan kepelbagaian yang ada ini dengan suatu ikatan yang sangat kuat. Kekuatannya pula bergantung kepada usaha kita yang berterusan menjaga dan mempertahankan jalinannya dari dirungkai oleh sebarang anasir. Dengan sebab kuatnya kita berganding tangan mempertahankan kedaulatan negara



inilah, maka sehingga ke hari ini, kita dapat mencapai nikmat keamanan yang tidak ternilai.

## **SIDANG JEMAAH YANG DIMULIAKAN ALLAH,**

Detik 16 September merupakan antara hari yang sangat istimewa dalam sejarah negara iaitu bergabungannya Persekutuan Tanah Melayu dengan Sabah dan Sarawak pada tahun 1963. Pada tarikh tersebut, nama “Malaysia” diumumkan oleh Perdana Menteri Malaysia yang pertama iaitu Tunku Abdul Rahman Putra Al Haj. Hasil gabungan ini telah membebaskan Sabah dan Sarawak dari cengkaman penjajah dan menjadikan Tanah Melayu, Sabah dan Sarawak sebuah negara yang merdeka. Seluruh masyarakat telah sama-sama menjalankan tanggungjawab masing-masing dalam suasana ramah, mesra dan harmoni. Justeru, memang inilah hakikat penciptaan manusia yang pelbagai sebagaimana firman Allah **سُبْحَانَهُ وَتَعَالَى** dalam surah Al-Hujurat ayat 13:

يَا أَيُّهَا النَّاسُ إِنَّا خَلَقْنَاكُمْ مِنْ ذَكَرٍ وَأُنْثَىٰ وَجَعَلْنَاكُمْ شُعُوبًا وَقَبَائِلَ لِتَعَارَفُوا إِنَّ

أَكْرَمَكُمْ عِنْدَ اللَّهِ أَتْقَىٰكُمْ إِنَّ اللَّهَ عَلِيمٌ خَبِيرٌ ﴿١٣﴾

Maksudnya: “Wahai umat manusia, sesungguhnya Kami telah mencipta kamu daripada lelaki dan perempuan, kemudian Kami jadikan kamu pelbagai bangsa dan pelbagai suku agar kamu saling berkenalan (dan beramah mesra antara satu dengan yang lain)! Sesungguhnya yang paling mulia antara kamu di sisi Allah ialah orang yang paling bertakwa (bukan yang



*lebih keturunan dan bangsanya). Sesungguhnya Allah Maha Mengetahui lagi Maha Mendalam Pengetahuan-Nya.”*

Sehingga ke hari ini, kita telah sama-sama berusaha mempertahankan tanah air ini sebaik mungkin. Sungguhpun adakalanya kita diuji dari sudut ekonomi, bencana alam, perbezaan ideologi, pergeseran politik, namun kematangan seluruh rakyat Malaysia di Semenanjung, Sabah dan Sarawak menghadapi segalanya perlu dipuji dan dihargai.

Kita juga dapat melihat kesatuan seluruh rakyat Malaysia yang mempertahankan negara apabila ada pihak luar yang cuba menggugat ketenteraman dan kesejahteraan negara. Sebagai contoh, sebagaimana yang berlaku dalam peristiwa pencerobohan di Lahad Datu, Sabah pada 11 Februari 2013. Peristiwa ini juga telah mengorbankan beberapa nyawa anggota keselamatan kita. Peristiwa ini jelas menunjukkan, seluruh rakyat bersatu hati dan memberi sokongan serta mendoakan kedaulatan dan kesejahteraan negara terus terpelihara dari sebarang bentuk pencerobohan.

### **SIDANG JEMAAH YANG DIKASIHI SEKALIAN,**

Nikmat kesatuan ini wajib disyukuri dan dipertahankan dengan bersungguh-sungguh. Kekalkanlah kerukunan dan amalan hidup bermuafakat supaya anak cucu kita nanti dapat mewarisi sebuah negara yang kekal harmoni dan sejahtera. Kita perlu saling menguatkan dan menyokong antara satu sama lain. Kita pelihara kedaulatan negara dengan menghormati perlembagaan negara serta undang-undang dan peraturannya. Segala perselisihan dan perbezaan yang timbul mesti diatasi



dengan kebijaksanaan dan perdamaian. Perselisihan yang berpanjangan hanya akan merugikan negara tercinta ini. Sekiranya berlaku sebarang perselisihan, maka perlunya ada pihak yang bertindak menjadi pendamai dan bukannya batu api yang melaga-lagakan lebih-lebih lagi yang melibatkan sesama umat Islam. Hadis Nabi ﷺ :

عَنْ أَبِي الدَّرْدَاءِ قَالَ، قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ:

أَلَا أُخْبِرُكُمْ بِأَفْضَلِ مِنْ دَرَجَةِ الصِّيَامِ وَالصَّلَاةِ وَالصَّدَقَةِ قَالُوا بَلَى يَا رَسُولَ اللَّهِ  
قَالَ: إِصْلَاحُ ذَاتِ الْبَيْنِ وَفَسَادُ ذَاتِ الْبَيْنِ الْحَالِقَةُ

Maksudnya: “Daripada Abu Darda’ رَضِيَ اللَّهُ عَنْهُ beliau berkata, “Rasulullah bersabda: “Mahukah jika aku khabarkan kamu suatu yang lebih utama daripada darjat puasa, solat dan sedekah?” Para sahabat berkata: “Sudah tentu, wahai Rasulullah”. Baginda bersabda: “Mendamaikan orang yang sedang berselisih dan rosaknya orang yang berselisih adalah pencukur (mencukur amal kebaikan yang telah dikerjakan)”.

﴿Sunan Abu Daud﴾

## SIDANG JEMAAH YANG DIRAHMATI ALLAH,

Tanah air yang merdeka ini juga pasti akan lebih berkat dan makmur jika kita sentiasa bertakwa kepada Allah ﷻ. Teruslah berbuat baik sesama manusia walaupun remeh pada pandangan kita. Jangan sesekali kita merendahkan suatu kebaikan meskipun ia kecil, ringan atau sedikit.



Semua kebaikan yang kita terima hendaklah dihargai dan disyukuri. Rasulullah ﷺ pernah menyatakan dalam sebuah hadis yang diriwayatkan oleh Abu Zar:

لَا تَحْقِرَنَّ مِنَ الْمَعْرُوفِ شَيْئًا، وَلَوْ أَنْ تَلْقَى أَخَاكَ بِوَجْهِ طَلِقٍ

Maksudnya: “*Sungguh, janganlah kamu memandang rendah suatu kebaikan, meskipun kamu sekadar bertemu saudaramu dengan wajah yang berseri-seri*”.

﴿Hadis Riwayat Imam Muslim﴾

## MUSLIM YANG DIMULIAKAN ALLAH,

Mengakhiri khutbah pada hari ini, khatib ingin menekankan beberapa intipati sebagai panduan dan peringatan kita bersama:

**Pertama:** Kesepaduan dan kesatuan masyarakat di negara ini dihubungkan oleh rukun negara dan sikap toleransi tinggi sehingga akhirnya membentuk sebuah negara Malaysia yang merdeka dan harmoni.

**Kedua:** Setiap perselisihan mesti dihadapi dengan kebijaksanaan dan perdamaian.

**Ketiga:** Hidup kita biarlah sentiasa saling bermuafakat dan saling membantu seperti ungkapan “*Serumpun Bak Serai, Sesusun Bak Sireh*”. Inilah resepi keharmonian negara seterusnya masyarakat dapat hidup dalam suasana yang ramah dan mesra.





Firman Allah **سُبْحَانَهُ وَتَعَالَى** dalam surah Ali Imran ayat 103:

وَأَعْتَصِمُوا بِحَبْلِ اللَّهِ جَمِيعًا وَلَا تَفَرَّقُوا وَاذْكُرُوا نِعْمَتَ اللَّهِ عَلَيْكُمْ إِذْ كُنْتُمْ أَعْدَاءً  
فَأَلَّفَ بَيْنَ قُلُوبِكُمْ فَأَصْبَحْتُمْ بِنِعْمَتِهِ إِخْوَانًا وَكُنْتُمْ عَلَىٰ شَفَا حُفْرَةٍ مِّنَ النَّارِ فَأَنْقَذَكُم  
مِّنْهَا كَذَلِكَ يُبَيِّنُ اللَّهُ لَكُمْ آيَاتِهِ لَعَلَّكُمْ تَهْتَدُونَ ﴿١٠٣﴾

Maksudnya: “Dan berpegang teguhlah kamu semua pada tali Allah (agama Islam) dan janganlah kamu berpecah belah. Dan ingatlah nikmat Allah kepada kamu ketika kamu bermusuhan (semasa jahiliah dahulu) lalu, Allah menyatukan hati kamu dengan nikmat-Nya itu orang Islam yang bersaudara dan (dahulu) kamu berada di tepi jurang neraka (disebabkan kekufuran kamu semasa jahiliah). Lalu, Allah selamatkan kamu daripada neraka itu (disebabkan nikmat Islam juga). Demikianlah Allah menjelaskan ayat-Nya kepada kamu supaya kamu mendapat hidayah petunjuk.”

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ بِهِدْيِ سَيِّدِ الْمُرْسَلِينَ، أَقُولُ  
مَا سَمِعْتُمْ، وَأَسْتَغْفِرُ اللَّهَ لِي وَلَكُمْ، وَلِسَائِرِ الْمُسْلِمِينَ مِنْ كُلِّ ذَنْبٍ، فَاسْتَغْفِرُوهُ،  
إِنَّهُ هُوَ الْغَفُورُ الرَّحِيمُ.





## Khutbah Kedua Bulan September

2023M/ 1445H

الْحَمْدُ لِلَّهِ عَلَىٰ آلَائِهِ وَإِحْسَانِهِ، وَالشُّكْرُ لَهُ عَلَىٰ تَوْفِيقِهِ وَامْتِنَانِهِ،  
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِشَأْنِهِ،  
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَىٰ رِضْوَانِهِ.  
صَلَّى اللَّهُ وَسَلَّم عَلَىٰ سَيِّدِنَا مُحَمَّدٍ وَعَلَىٰ آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،  
وَزِنَةَ عَرْشِهِ وَمِدَادَ كَلِمَاتِهِ.  
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبِّكُمْ حَقَّ تَقَاتِهِ، وَاعْمَلُوا بِطَاعَتِهِ وَمَرْضَاتِهِ،  
ثُمَّ اْعَلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرٍ بَدَأَ فِيهِ بِنَفْسِهِ؛ فَقَالَ عَلِيمًا حَكِيمًا:  
إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾

[الأحزاب: 56]

اللَّهُمَّ صَلِّ وَسَلَّم عَلَىٰ عَبْدِكَ وَرَسُولِكَ مُحَمَّدٍ نَبِيِّ الْبَشَرِ النَّذِيرِ، وَالسَّرَاجِ الْمُنِيرِ،  
وَارْضَ اللَّهُمَّ عَنِ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ إِلَى  
يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.  
اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ،  
اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.  
اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ  
صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَىٰ صَاحِبِ الْجَلَالَةِ،



Kebawah Duli Yang Maha Mulia Seri Paduka Baginda Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah Ibn Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرِّبَا وَالزَّنَا وَالزَّلَازِلَ وَالْمِحْنَ وَسُوءَ الْفِتَنِ مَا ظَهَرَ مِنْهَا وَمَا بَطَّنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ عَامَّةً يَا رَبَّ الْعَالَمِينَ.

*Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf melalui agensi milik penuh Majlis Agama Islam Negeri Pulau Pinang (MAINPP) iaitu Zakat Pulau Pinang (ZPP) dan Wakaf Pulau Pinang (WPP).*

*Ya Allah! Berilah petunjuk-Mu kepada kami dan pemimpin-pemimpin kami untuk memberikan khidmat bakti yang terbaik kepada agama, bangsa dan negara. Ya Allah! Kuatkan iman kami agar dapat menghindari perbuatan khianat, salah guna kuasa dan harta, memberi atau menerima rasuah dan segala perbuatan durjana yang merosakkan kepentingan agama, masyarakat dan negara.*



رَبَّنَا آتِنَا فِي الدُّنْيَا حَسَنَةً وَفِي الآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَائِي ذِي الْقُرْبَى وَيَنْهَى عَنِ الْفَحْشَاءِ  
وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١٩﴾ فَادْكُرُوا اللَّهَ الْجَلِيلَ يَذْكُرْكُمْ، وَاشْكُرُوهُ  
عَلَى نِعَمِهِ يَزِدْكُمْ، وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿٢٥﴾